



徐文長文集卷之八

公安袁宏道中郎評點

門人郝之璽公琰校訂

五言排律

宣府槐龍篇

有敘

宣鎮開府之西有槐曰槐龍高不過丈餘圍亦未匝兩把而廣圍如蓋糾枝如龍蛇重不可勝支柱以數十可擬五楹屋之覆盛夏葉生蒼赭騫撲又若龜穹而鵬下語其奇蹇非

特一世所無卽鄧林見之亦當却避而偃也
然所云丈餘者榆楸耳而頂折處始爲槐相
傳 毅皇帝幸此中人所接以植者或云
文皇子視之非百年中物云 文皇蓋 文
皇數幸此以討不廷 行殿當槐處意槐植
其時殆然耶舊爲某叅戎宅園以其所從來
如是也久之不自安迨今吳鎮公至則曰是
地爲 聖祖臨御以平定所不可以私準其
直贖之遂稍新其構用以備講武饗上予過
鎮公與萍逢者數人憩其下少焉楹至爲數
酌起步稍北得曲甃似以浮管而涸不流問
水得古方井去槐可數十步汲以漱冷不可
銜以其甘也勉吸焉始悟水木母也母殊而
子以凡理限可乎以此推之未百年而成是
植未爲不可信也

大樹將軍號喬松大夫封何如茲茂蔭宛爾作深籠
日目尖成兔條條結縮龍乘涼翠葆颯撐暑碧油烘
開府何年買 天王舊物鍾賓觴飛逝外塞略坐籌

徐文長文集 卷八
中鵬翼垂天下、龜裙覆海峯、柯南蟻壘國、鼇北乳方
泓的的朱門照、霏霏綠霧濛、干雲榆所接、影月桂能
通、赭茨承新蛻、青絲斷墜蟲、五楹團廣廈、百柱卓雄
風、大漠馴驕子、長城屬令公、一枝陰虜馬、半葉掃邊
烽、矢石無忘備、尊罍稍可從、先朝勤灌溉、後代倚
幢、籠虬擬皇情、悅黃猶御氣、蒙長陵如可作、願
柱大明宮、

水仙

公排律蒼鍊非沈宋可及

棄粉當粧匣、拋脂落茜坡、黃姑插金鳳、織女洗銀河、

敢以人間色、來方天上娥、借煙行作雨、不黛掃成蛾、
渡海群騎燕、橫江或跨鶩、盈盈素羅襪、泛泛綠鱗波、
剩馥迷湘芷、餘嬌付越荷、兔房秋杵藥、鮫室夜珠梭、
道子描難似、非煙繡不過、張顛狂草筆、塗罷一高歌、

萬曆二年翰林院中白燕雙乳輔臣以獻進

兩宮並賞殊瑞聞而賦之

以在玉堂
故四句云

白燕自何方、雙嬌乳玉堂、若非翻向壁、只道斷從梁、
易許青藜映、難教黑扇藏、宮釵今兩隻、巷口幾斜陽、
並語栽薇處、交栖視草旁、春情堪與譯、秋翮好填潢、

御水沿溝，岍名園隔死牆。穿花雪片疊，落絮剪刀長。
 逝拂宵麻素，爭搖曉禁蒼。隨珂迷賈至，遮字冷孫康。
 未及郊禠候，先歌命鳥章。兩宮看帶笑，萬乘盼
 生光。或向罌罍度，閑馮女寺量。江南來舞苧，海國墮
 綃襦。哺蝶欺殘粉，捎蜂糝嫩黃。古詞卑苜蓿，新曲斷
 滄浪。出入皆清禁，差池半紫房。姬姜紅線繫，姊妹縞
 巾揚。巷咏偏諧謔，廷裁必雅莊。冰霜俱入句，咀嚼
 總生涼。飲啄如知介，飛鳴迥不常。瓊瑤報聖主，文
 彩伴仙郎。自古生賢佐，多因爾兆祥。試看今稷契，還

奉舊虞唐

送史叔考讀書兵坑

連歲賡酬久，茲晨伴侶稀。百觥澆鶴卵，一硯匯鼉磯。
 漸到鳴灘岍，微穿聚葉暉。窮經朱簡斷，搨字墨光肥。
 霜白興雞早，茅紅掣兔飛。逐時文股麗，入悟習心非。
 水遠緘魚斷，山深脯獸晞。客來供鹿蹠，雉下警羅扉。
 竹筏何曾爛，耽玄自不歸。

觀浴象

昨一象忽狂而奔，折廟門之闌，又輟耕錄持荷筒吸酒名象鼻飲

帝京初伏候，出象浴城湍。乍暎長壕黑，時泗巨浪漫。

有顛皆積垢無尾不藏瘢出沒漩渦口崔嵬蹙听端
巴蛇吞未下灑石浸還乾決盪麓泥落吹噴細雪殘
鼻卷荷屈水牙割藕穿瀾逐隊趨蹄易呼群拭背難
秣芻廝養習渝刷羽林官並是生殊域同來飼一闌
不爭儔力大共荷 主恩寬帶濕驚鈎鐵携涼臥藁
搏黿鼉心不畏鼠豕額何攢昨日誰狂走今朝爾頓
安從茲須自愛莫更損闌干

和葛景文

十丈高垣地團團遶棘柴青天縣鮒涸黑洞鎖龍垂
不以無窮變來縈有盡懷提壺向前去付鋪許渠埋
每剖遺魚素翻思去鳥借真成秋落羽欲插上冲骸

抱琴美人圖 會真無此沈雅

身去盼猶轉抱琴何處來定知清夜裏去聽長卿回
細細腰宜舞輕輕步懶催睡濃粧略淡性慧相多猜
眉下波含柳顛心風落梅對人蓮欲語袖手藕藏菱
浣水傾吳國爲雲到楚臺帶飛修曳縞珮響細銜魂
綠帳愁單掩朱唇似善詼冰絃寫離怨洞閣遠誼厖
曉戶玲瓏啓春花次第開相將折芍藥掩映過莓苔

蜀國倡嬌薛河中色妙崔試將同佇立正愜兩徘徊
宮髻髮一尺明珠環兩枚自然宜淡掃故不畫煙煤
或薦珊瑚枕如傾玳瑁杯息芳將近近粉膩愈皚皚
按曲迴成雪徵車響軼雷翟衣真帝也荇菜合悠哉
箜篌傳麗玉琵琶伏善才何如鼓流水真若遡沿洄
別鶴引如弄求凰調轉哀有人於座上奈爾隔屏隈
採藥人聞阮遊仙者姓裴不言偶襄漢定說見天台
巧笑金難買多香玉借胎繡穿新樣領綬結古文囀
皎似珠遊浦清如露滴槐採花棚上竹鬪草砌隅臺

約伴携雙手懷人在兩腮鴛鴦何處覓鸚鵡有時撥
增減俱難中短長元自該趙妃宅裏妹宋玉里中魁
宛爾凝如望媽然乍可偎臨波卽帝子食肉亦蓬萊
懊惱思金谷闌干哭馬嵬流波與流態令稿復令灰
絕代誠難得瑰姿理莫推如斯落魚鴈毋乃夢蛇虺
俠客氣何壯佳人棄若隕將來換駿馬期在得高駮
艷冶非不愛縱橫良有材從他形裊裊不戀志恢恢
湊兩難爲粲爲屏併作傀麝香新熱餅獸鼎舊安能
茲畫何人染錢塘漆子裁拂暎驚臥榻助腕汲新醅

持過西陵下，因啼蘇小堆。青松惟下鳥，紅頰已成煨。
潮長日初仄，春深草漸莓。山家時吠犬，捕雉又張罍。
上下鳧鷖沒，擎拳翡翠毳。物華迅流轉，顏色總塵埃。
處女元吾守，明時肯自媒。有時求柱桶，不信舍徂徠。
忌嫉生宮闈，芻梁飽鴛胎。祇聞饑婉戀，不見斥虺虺。
戲論摘多韻，談虛遍九垓。性空色不着，養致體逾頽。
既已成圖畫，其何忍剝摧。屏圖裝已匝，花月任爲災。
畫。影。奇。花。一一栽對卿長比，金顧彼獨澆培。
蟲鳴玉砌咳，此時漢武見。又道李龜廻。

先除夕二日雪甚如嬰兒拳

次日迎春

臘盡接春將，孤眠枕被涼。朝興驚六出，午晏俛千簷。
兀坐愁空甕，群栖塞壞墻。搏酥幾鶴卵，絮柳未鶯黃。
堪取爲毬打，行看挂露僵。明年從大有，連歲却餘殃。
見說開元寺，重新古道場。一髡擔化主，十殿敞闔王。
猶記迎春昔，長頽此地觴。解姬捐誕馬，蠻子襖綿羊。
樓角嬌波聚，亭椒嫩采粧。百壚忙酒保，四郭擠村娘。
獸圈攘牛土，蟲枝試鳥簧。不知今日賞，還有此風光。

畫坐草粟鼠

的色少陵

鼠有能跳者名因嗜栗傳兒童袖裏串松檜頂尖縣
寫躍難爲逸描蹲易犯妍臀肥隈草煖尾大刷爪圓
叫喚孤雌別銀鐺舊伴牽坐思禁一飽暨產大如拳

電 奇險

列缺儼睢盱緋冠絳褲襦礮礮鮮舌哆煙焰漲天嗑
侍從排焦額槐檀塞太虛光中藏栲栳麥處借旛旗
雞吐朝官綬龍逢海豕驅阿香開鏡數玉女笑壺輸
好作王戎眼休燒李勣鬚滅明難捉摸搜索愈逃遁
或見焚鱗尾徒聞遶斗樞金蛇穿雨劃赤兔駕雷層

煨爐乾坤赭飛騰日月徐閉門遺斧鑿馮落髮如蛛
鑄斗何工煨硫砒若帑儲旱乾於閃電冬蟄伴泥豬
萬瓦穿如瞰孤窓熱欲糜淫威神鹵莽僥倖鬼擲輸
昨夕狂傾潦群靈儼聚誅彌霄紅落燕罄海白跳珠
但劈梧桐去何曾打卽且雷火如燕夷堅志

芭蕉花

芭蕉種四年華葢發茨檐玉蘭爲媵姊木筆是曾玄
十一帑蓮萼尋常類馬肝圻難剗海蚌瓣厚落河蚶
香色無非歛蜂胥有自閒古粧蠶婦出立馬使君寒

春久枝俱果霞長。鴈正還寄書蘇蕙老。挾扇婕妤好。孺
我昔南過嶺。蠻多種在田。實甜藤俎上。絲冷葛機邊。
和荔燒天紫。同椰蓋海炎。別來頻屈指。禿後止餘顛。
不道孤亭畔。言抽徑尺團。逡巡無術致。描寫恨才慙。
太華尖崩半。平原頽脫剗。鹿遮樵者夢。魚沈美人丹。
苦少榴枝泛。珊瑚奉倚欄。

子侯芳園王瓜駢秀傳聞遠。邇快覩咏歌附驥

非才續貂聊漫

老後圃聊便栽蔬夾芋田。壞轆牽遠井。破屋傍隣椽。
脫帽當茶竈。持劔掘笋鞭。忽來新莫逆。幸忝舊忘年。
却說渠家圃。如承帝眷倦。瓜雖非五色。蒂却領雙圓。
杵向秋砧挂。旒添曉纈繫。縣轡胎咽并。紐蝨尾鼻俱穿。
自是生成偶。非關造化偏。癭孤羞杜預。面對儼庭堅。
未羨三眠柳。那論並萼蓮。嬌黃濃鬢鈿。淺黑撇針綿。
花謝知誰後。藤升許孰先。客歡浮白賞。婦喜用紅纏。
野鼠分行抱。墻蝸別隊緣。霜時爭畫卷。月令特書傳。
楊尹詩幾首。柳州表一聯。合歡光簡策。內履慎周旋。
駢拇從來賤。重瞳自昔憐。馮他閒估夜。何處定媮妍。

徐文長文集 卷八
宴游西郊詩

有序

借飲寺人

去郭不五里有名園焉。園中流水遶砌，
望之如錦屏，幾折而步。園中又有榜尊亭兩區，
而翬矯迨若珍果。園中實有蒼蘿飄飄，
結幄鳴禽，調管半是黃鸝，飛蠅怯冰，全投綠
蟻待群公而未至。適微興之孤騫，大白屢浮，
爰揮紫兔雌黃，無事聊就黑甜，乃若蒟醬木
癸之云，無非實事。朱卿侯家之引，並非虛言，
舉其尤者，他可知矣。

園樹有白櫻桃

艾侯當龍舫，萍蹤集鳳城。凌晨催邸飯，乘暇出郊行。
短短蒲抽玉，交交鳥弄笙。辭幘排擁蔽，並馬得崢嶸。
碧岫紅雲幻，磁壺白雪擎。侯賓賓未集，顧僕僕頻傾。
蒟醬何方至，胡桃撲地橫。騎龍排木癸，剪虎綴冠纓。
綵扇臨杯鳥，蒲團就几馮。甲蔬香百種，根撥秀千英。
菡萏含冰腦，櫻桃滴水晶。胡蜂俱仰蜜，家鴿半棲甍。
熟果從枝摘，穠花得葉清。看餘錦綺色，聽斷轆轤聲。
買竹金千鎰，溫瓜火一星。鈎彎遲桂鬼，流曲擬蘭亭。
菱藕堆盤雪，蠅蚊避席冰。江南渾縮地，塞北總怡情。

折簡招群彥聯牀勝百朋來希王情懶別易客心驚
折柳條餘幾牽衣淚鎮零舞腰寧自賞歌曲遲儂聽
日炙媽紅袖風狂散綠萍盆供春色滿簞展晚涼迎
茉莉簪紗帽玫瑰裊鬢髻習池淹席幕金谷較輪贏
可惜朱卿去偏當赤地晴錦帆風不進玉笋月誰賡
孤悶當蘆發頽軀倚樹撐長空生咄惜懊緒付娉婷
得意才俱雋相如賦擬成吹噓真俗話放浪自浮生
毳遶飛明月山來匝翠屏歸雅分樹掠饑馬望芻鳴
入郭斜榆影迴鞭指柳營侯家銀燭則客座綵簾明

貝葉書難譯蓮筒吸判醜轄沈驚座睡樓迴景陽句
朝馬搖鳴佩升鳥影畫櫺百川如變海重此醉長鯨

張氏子黃鸚鵡

見說黃鸚鵡西來自氏羌色今分間正天與改文章
竟奪春鷗羽全為漢鵠翔能言猩敢並借染蜜初房
稍挂楊絲亂聊慙菊瓣張金釵翹衛女紅豆惹蕭娘
惱燕依人紫愁鷹掠兔蒼香拳閒鍊爪妙影閃銅梁
江夏埋詞客秦山問上皇赭袍雙映淺芳草一洲長
夢兆呈妃子琵琶喚海倡性情胎戊巳音韻合宮商

百鳥窺應噪，孤凰見必傷。未能求一友，差可哭三良。
老病渾如昨，新聞喜未嘗。借看如可許，香稻當茶湯。
後聞鸚鵡眼，系直度兩眸。人可洞視，險句過。

惱公

雙瞳穿腦過，對面兩菱花。琥珀鑽松竅，琉璃釘扇紗。
隔顛孤碧炯，橫準一梁加。飲啄千峯物，雌雄萬樹家。
回頭忽不見，交睫夢成賒。摩盪晶初日，玲瓏射落霞。
照拳明蕨腦，夾喙影姜芽。戀月眸寒暈，啼煙淚澁沙。
端州鸚鵡研，蠻郡石榴砂。睥睨雄生怒，迷離媚作邪。
傾城秋水顧，阿堵虎頭誇。認客休青白，韜光混瑾瑕。
如憐蔡家女，分鏡蕊芭芭。

題宋刻絲蓼花立鳥圖

江上深秋景，偏於蘋蓼妍。娟娟啼葉鳥，淡淡入村煙。
生色渾疑畫，微絲却是牽。精時愁呂紀，妙處失黃筌。
久挂方知定，初驚只欲翩。天孫無限巧，乞與世人傳。

丁卯六月十六日五鼓夢一憲公更訊予獄子

頗懇乞且歷數古人事憲公乃取片紙手畫
一白犬從雪中獵作題且曰汝賦得十韻卽

止予賦得十二句而憲公逡巡起予亦覺半

忘矣今續成之

夢中所記者秦雪覺無據鷹呼二句亦強真夢中語也

太白高秦雪材官選漢都西蔡非遠物冬狩是雄圖
冰溜蹄兼滑花銷毳結酥逐方餘狡兔烹豈遽韓盧
羽搏紛迷素毛燐糝共疎一聲非口吹萬壑徧鷹呼
馳影爭飛霰蹲身印守株窮搜寒愈急凍尾煖微濡
固取矜獯獨還宜解網罟莫教將耿雉文錦碎模糊

徐文長文集卷之八

終

徐文長文集卷之九

公安袁宏道中郎評點

門人郝之璽公琰校訂

七言排律

上督府公生日詩

序

嘉靖己未秋九月廿有六日恭逢督府明公
之生辰於是文武吏士及鄉大夫士若耆舊
賓客以公自鎮撫以來功在東南者實大且
遠乃相與各抱其所有以為公長久祝而公

於今年春夏之交受誦道告捷之後奏凱

天闕戢兵海隅民物熙和旬宇清廓惟茲嘉
誕適屆其時萸菊交芳天日俱朗旌旗應爽
氣而彌肅鏡吹協商颺而並遠慶者雲集萬
衆一辭比之往昔益爲隆盛某小子叨沐寵
榮間嘗一佩筆操鉛以奉侍幕下雖愚賤少
文不敢自附於衆人之後至於仰清光祝久
遠其心固無異於衆人也謹撰長篇一首凡
百句奉伏門下以充獻壽之禮自知拙陋無

所發抒然慕戀恩私忻喜盛事自不能已於
言耳

遠曙輕籠海色蒼涼颺新薦菊英黃清秋此日逢華
誕繡褱當年遶異香地與人文增氣象天爲王國產
禎祥壯猷未老如方叔秘略曾傳似子房初捧兵符
分虎竹再銜使命馭龍驤森羅島嶼諸夷會鎖鑰門
庭一面當刀斗不傳人自樂牙旗欲動勢偏揚雄豪
定遠遙辭漢寬大汾陽近在唐管領華夷新士馬掃
平吳越舊封疆曾先突騎重圍裏親式鳴蛙大道旁

已遣嚴兵營細柳，更教長劔倚扶桑。三承寵錫恩
何渥，一受深知德愈光。定有姓名題御展，每勤賞賜
到遐荒。千齡素質雙麋鹿，五色奇毛兩鳳凰。國有昌
符，臣協吉家承嚴訓。子徵良田，單下狄親鳴鼓。姬旦
居東久缺，浙屢觸歌炎。辭羽蓋，轉巡郊野。憩甘棠軍
中，作氣頻投石陣。裏籌機捷，探囊啟日。轅門標大纛，
浮天水寨集餘皇。雕弓並月名繁，弱寶劔衝星出。豫
章幾處名香，迎馬首數群長鬣。夾車箱量兼滄海，涵
諸島身作長城障。一方萬里星辰，羅北極百番貢道。

出東洋曹彬賜劔權偏重，庾亮登樓興合狂。引至
禪堅誓約，邀還賓佐。據胡牀鯨鯢久已封，京觀翡翠
行看，出越裳詎止芳名流。簡冊還將偉績著，旂常功
成淮蔡應趨闕。路涉燕齊好待糧，將相位兼勞出入
君臣道合致平康。山城令節茱萸發，高宴華軒錦綺
張。日照花明，諸染作風吹帳。啓衆賓藏鶴鳴流響，聞
天漢芝燦浮光到羽觴。競取良辰占上壽，復欣嘉會
嗣重陽。樹聯月桂輝花萼，斗近天河挹酒漿。黑齒呈
歌須譯問文身，獻舞傲專場地連玄嶠。仙常集候傍

黃鐘日漸長，共以精誠抒華祝。况兼佳麗屬錢塘，鯁
生本住山陰里，浪跡疑乘海畔航。城下釣魚懷漂母，
堂前結客憶周郎。未逢黃石書誰授，不墜青雲志自
強。抱玉已憐非楚璞，吹竽那識動齊王。幸因文字蒙
徵檄，時佩管毫侍瑣廊。綦履東西魚共麗，戎衣左右
鴈俱翔。縣知陳阮時游魏，豈乏鄒枚並寓梁。博採燕
昭期致駿，曲存宣父愛。非羊衆人國士階，元別知己
蒙恩心。所量自分才難堪，記室人疑待已過。中行搆
成燕雀，猶知賀報取瓊瑤。未可償偶值高門，挂弧矢

且虞小雅賦桑楊却慚未協，宮商調莫並當筵巧奏

簧

奉侍少保公宴集龍游之翠光巖 命與沈嘉則同賦時方有

閩之役

樓船幾日下錢塘，勝地臨江綺席張。虎帳山開蘿作
帶，龍潭水積劔爲光。芳羞自出船窓底，妙響偏宜舞
扇傍。日映桅檣兼樹密，風吹絲竹裊雲長。漁郎賈客
停何事，桂楫蘭橈渡不妨。暫脫錦袍懸翠壁，忽抽彤
管拂青維。閑中國計籌能悉，醉後兵符發更詳。寶馬

嘶群行雜錦紅旗懸的射穿楊霜前下葉沙俱積雨
後殘碑蘚更香野曠牙官分作隊林疎甲士補成行
松杉借翠連幢碧橘柚分金映甲黃羽扇周郎臨赤
壁輕裘叔子在襄陽庾樓無月人猶往却幕開風客
不藏遠眺非閑耽麗景雄心先已到遐荒建溪露布
風雷急淝水兵威草木揚却與從行諸幕士維舟九
曲泛清觴

數年來南雪甚於北癸未復爾人戲謂南北之
氣互相換似賈人帶之往來理或然歟邊塞

不易雨而今每潦十九韻

陰陽北去隨南客雨雪南來自北天雨爛胡弓知幾
歲雪高越瓦已三年偶然盡海迷遼鶴不是登橋聽
杜鵑吠犬從今無一處喘牛必問有諸賢明明日向
彤雰暗杳杳璣籠紫霧懸羲氏輪膏埋壁屑滕公河
水瀉銀錢銛鋒插戟包難見深窅穿泉粉愈填萬里
蕭條昏井邑千家凌奪失園田疑花宿誤群歸羽折
竹真摧幾個圓鼻醋醞寒先慣吸羹鹽調劑未堪煎
傾危作鬼當山頂搏控成獅向日邊借皎肥身灰象

飽吹柔害物素猫拳綿針絮刺俱叢棘玉瓣銀筍假
淤蓮陽德盡闕閭闔上陰威直到祝融顛華亭羽翼
漫天久上蔡鷹盧獵野偏伍員江長潮正怒三閭沙
白骨新捐稀如尸蠱穿雲去細似繩蠅點壁旋惡舞
魚鱗明扈跋繁遮蝗陣暗霄騫袁安臥苦僵猶得解
縉尸埋醉可憐筆興翩然萬事豈俱埋得盡有時終露髑髏冤

次夕降搏雪徑滿鶯鴨卵余睡而復起燒竹照

之八十韻

險澁幽苦東坡後復見乃公

把炬循除立斷藜鴉驚彈雪宿印低終宵有許垂鸞

伏片刻應能沒馬蹄一一劈分舒濶掌團團捲擲碎

霜梨紅塲盡海毬爭打白鷺橫江荻未栖崩屋塌簷

支正惡窺窻入竇倚相睽後飛輕薄高難下先引威

稜導且齊隔歲窖藏猶霰雹群兒想象入狻猊辨觚

出六摧桃李瑞舛過三黨稗穉博浪金椎徂擊遍彌

天白燾殺機提鸞髡鵠赭吹毛盡竹哭梅啼到骨披

穿重解深三窟兔侵多不剩一丸泥暗隨鵬翼長沙

拍亮誤雞司短曙啼灰燼挑殘寒夜火袍誰脫與故

人縑流蘇旣縞堪鈎挂粉的渾綿向鏡低風絮謝娘

難可擬煙蘆。艇客幾成迷。公孫被襪涼如鏡。子母妖
緡瀉若漸。獸徑易漫。麋散跡獵弓。難放麝香臍。巖俱
周。處南山額。毳盡蘇卿。北海羝。鮫室百窗簾。蛤蚌羌
胡。一國水。玻瓈饑脾苦。逼長安。殍酸鼻寒。淒宰相醢。
葉尹如捐棺。可玉麻姑未老。海堪梯。洪厓走汞。流松
外。穆滿量珠賞。竹西綠鬢取。裁髻髻樣。金釵都換柰
花鏡。儒蓋瓦甕鹽艱。糝俠噉屠門。蒜太羈。蝙蝠假仙
搖石乳。蚌蛇馮膽攪銀堤。將紉作蓋。俱成羽。取綴爲
裘。盡是麈鷹隼。攫身功奪狗。牛羊埋角罪。歸巖軒。數

鏡色飛橋頂。歐冶鐔霜掣。劒谿蕩樣。乾坤成玉合。紛
紜翳膜刮。金篦楊妃暗。粉玄宮發。卓氏綦巾皓。首齊
此際。胡雲黃滿塞。當年梁簡赤。曾題霽微。未必清鐘
磬。灑急如堪付。鼓鞞紅袖共。斟將共若錦。囊須佩却
須奚。寒郊瘦鳥吟。成蟄煖肉肥。肌屏作閨。漸離荆卿
僵。易水趙王代。娣冷摩笄。瑤枝上漢叅。雲霧銀鬣行
天。睹馱馱。併是凌寒貞歲柏。不同趨熱媚權娃。親淹
上國裘。曾敘眼。見金吾騎。總緹盡。頌熊羆。供掃拂。別
從雉兔較。畧第高培糞。梗團成茵。柔做山毛嫩。作蕞

肖、慘、睢、肝、夢、罔、兩、塑、嬌、咽、項、女、螭、螭、粧、塗、恨、少、施、肌、
髮、刻、畫、爭、先、解、佩、鷲、何、事、井、噴、煩、蜥、蜴、祗、馮、陰、焰、颯、
虹、霓、瓠、犀、璀璨、排、媽、齒、榴、子、齟、齧、墮、老、覲、解、襯、紫、駟、
鮮、豹、犢、俄、穿、翠、襪、化、貂、鞋、宮、奩、鏡、煖、因、椒、瑾、塞、壁、刀、
斜、謝、鷓、鴒、木、稼、怕、官、謠、雜、識、草、乾、愁、牧、馬、頻、嘶、媧、皇、
煉、石、霄、猶、漏、帝、女、燒、鉛、杼、懶、濟、凍、霽、尖、持、燕、七、首、明、
窓、塵、射、魏、刀、圭、睥、睨、釘、斷、于、闐、帶、沙、礫、礮、刃、令、尹、珪、
連、日、大、醜、案、儘、掬、傾、筐、堆、帛、取、如、携、騎、都、爛、漫、糜、羊、
胃、庖、坦、縱、橫、解、積、膾、熱、領、不、醒、頽、錦、帳、蛾、眉、邀、醉、墨、

金、桿、卽、堪、楚、曲、流、宮、徵、必、喚、齊、僮、許、滑、稽、蕩、甲、搖、尾、
明、練、組、長、鵬、大、鏃、拭、弧、鉀、孤、煙、罷、突、真、三、日、破、釜、縣、
臍、僅、一、繫、水、木、騎、羊、來、代、遞、滕、封、弄、雨、各、訶、詆、心、憂、
掘、閔、衣、麻、矣、狂、走、芄、蘭、帶、悸、兮、霎、爾、黃、腸、洩、鼻、屬、俄、
然、白、骨、塋、鯨、鯢、爲、燈、跋、燭、須、臾、滅、沃、錠、消、瓊、頃、刻、齋、
公、向、蒼、儀、騰、皓、潔、竟、忘、赤、地、混、緇、鰲、隨、風、過、越、迎、關、
吠、度、葉、爲、花、帶、鳥、棲、蜂、蛺、誤、猜、堪、蜜、蠟、清、明、纔、斷、正、
錫、餽、西、池、萬、里、吹、黃、竹、東、郭、雙、堂、趺、赤、鞮、想、見、穹、酋、
鳴、立、圓、親、看、牀、足、縮、趺、螭、恰、妨、青、帝、迎、春、仗、無、救、朱、

炎病夏畦壓取剛條俱偃偃試尋勁草但萋萋幾時
千仞消凌蟬何處雙桑赫海輓形虎似鹽虛晉俎調
梅無味枉商鑄蝗蝨未必沈三尺甲拆先應了一卦
莊語夏冰蟲定恠趙襄冬日襖爭俟風偏助勢長成
練月總輸光不到屣履薄有人愁墜谷乘危無盡上
埋奎豈無黃道辜葵藿翻以丹心許蒺藜火急寄言
青女道添霜啼殺伯勞兒

連雪後迎春憶舊十二韻

土牛一夕添神采雨霰連朝妬客鞋邀隊本期相見
躑躅遊不暢只擠排冰牢北斗璿璣澁凍滑東郊仗
引乖老病似蟲吟革竇少年如夢憶蓮簿飛香塞巷
堪經宿立帽平簷別埭街奪綵連毬追寶馬爭梅帶
雪上金釵花房醉客槌朱鷺水店壚姬饌紫鮭小市
溫淘槐盡葉貴筵餅餌韭初芟蕭條邑里難如昨想
象風光未必皆是處從今跌盡草中央偏我立如柴
一隅掩鼻真成笑七字瞞心戲作俳青帝祗今何處
去勾芒一似不曾來

徐文長文集卷之九

九

徐文長文集卷之九

終



